

զաքին, սլաշարեցան յերկիւղ մեծ, մի դուցէ յանկարծակի հասանիցին Լատինք 'ի վերայ նոցա, և մի խնայեացեն 'ի մեծ և 'ի փոքր, որոյ վասն բազումք 'ի նոցանէ թողեալ զկահ և և զկարտիս իւրեանց՝ վախտեայ զնացին 'ի քաղաքէ 'ի քաղաք՝ վաճառեալ զկենդինար ձիթոյ 10 դենարի: Եւ զկնի միոյ տարւոյ եւ Մէլիք էլ Մուազզամ 'ի Դամասկոսէ, և հիմնայառաւ կործանեալ աւերեաց իսպառ զքաղաքն Կեսարիա Պաղեստինացւոց: (1221):

Յետ տիրելոյ Լատինաց Տիմիաթի՝ եղին 'ի մաի տիրել բովանդակ երկրին Եգիպտոսի. ուստի յառաջ խաղացեալ հասին 'ի Մանսուրա, ուր ընդ առաջ եւ նոցա բանակն այլազգեաց: Եւ սկիզբն լինել սլատերազմին՝ սաստկութեամբ հարան ընդ միմեանս 'ի ծովու եւ 'ի ցամաքի, յորում պարտեցան այլազգիք և բազումք եւս կոտորեցան: Մէլիք Քեամիլ գրեաց առ եղբարս եւ առ ընտանիս իւր 'ի Դամասկոս հասանել 'ի թիկունս: Մէլիք էլ Մուազզամ աէրն Դամասկոսի, և եղբայր նորին Մէլիք Աշրաֆ, աէր արեւելեան քաղաքաց, միաբանեցան սոցա և այլ իշխանք և տեսրք քաղաքաց և գաւառաց, և բարմութեամբ հասին առ Քեամիլ, սակայն չկարացեալ վճարել ինչ կոտորեցան բազումք. սպա զմտաւ ածեալ զկորուստ զորաց իւրեանց, խնդրեցին 'ի Լատինաց հաշտութիւն, զնելով դաշինստալ նոցա զերուսաղէմ, զԱսկաղոն, զՏիրերիա, զԼաւոթիկէ, զՃիպիլէ, և զամենայն ծովեզերեայ քաղաքս, զորս առեալ էր Սալահատտինի, բաց 'ի Քերեքայ և 'ի Շովպէքայ: միայն Լատինք դարձուցեն առ նոսա զՏիմիաթ: Սակայն Լատինք ոչ ընկալան զայստսիկ սլայմանս, մանաւանդ սլահանջէին 300,000 ոսկիս 'ի տուժ պարսպին երուսաղէմի՝ զոր կործանեցին, նաեւ զՔերէք եւ զՇովպէք: Զայս եւս ոչ առին յանձն այլազգիք, և խնդիր հաշտութեանն մնաց անորոչ: Լատինք գրաւեալ էին զԼաշտն Տիմիաթի եւ հատեալ զճանապարհս 'ի ծովու. ուստի 'ի գիշերի նաեւ այլազգեաց 'ի Նեղոսէ՝ ելին 'ի ցամաք, և յանկարծ երեւեցան 'ի մէջ Լատինաց և Տիմիաթի, եւ կալան զճանապարհն յորմէ գայր պաշար և օգնութիւն: Լատինք տաղնապիտալ 'ի սովու խնդրեցին հաշտութիւն և զիջան յանձն առնուլ զառաջին սլայմանս զոր խոստա-